

Ođđa koronavirus – COVID-19

Doaibmarávvagat badjel 70-jahkásaččaide

Eandalii badjel 70-jahkásaččat galget garvit koronavirusii dávdaluvvama- Eallilan olbmuid lea čielgasit nuorat olbmuid stuorit riska oažžut koronavirusis duođalaš, buohcceviessodivššu gáibidan ja juobe heakkaváralaš dávdamearkkaid.

Ráđđehus lea addán doaibmarávvaga badjel 70-jahkásaččaid suddjema várás. Dan mielde badjel 70-jahkásaččat geatnegahttojuvvojit bissut sierra kontávttain eará olbmuiguin vejolašvuodaid mielde, nuppiiguin sániiguin karantena dávistan diliin.

Jus leat badjel 70-jahkásaš

- Ále deaivva eará olbmuid njunnálaga, ja garvve lihkađeami ruovttu olggobealde.
- Bivdde lagaš olbmuid ja ránnjáid veahkehit áššiid dikšumis.
- Bivdde ruovttugielddastat veahki ovdamearkan biebmua skáhppomii ja apoteahkkaearániidda. Jus galggat dikšut vealtameahtun gávpe- dahje apoteahkkaearániid dahje fitnat dearvvašvuodaguovddážiis, daga dan dalle, go eará olbmot leat unnán jođus.
- Sáhtát maidđái fápmudit nuppi olbmoo ohcat reseaptadálkasiid du bealistat. Čálit sisa bálvalussii čujuhusas [suomi.fi/valtuudet](https://www.suomi.fi/valtuudet).
- Čuovo almmolaš rávvagiid njoammunriskka geahpedeapmin.
- Muite lihkadit ruovttus nu olu go vejolaš. Jus lihkadat olgun, garvve kontávttain eará olbmuiguin.
- Doala oktavuodá lagašolbmuide telefavnain ja neahtas.

Ránnját ja lagaš olbmot leat dehálaš doarjagat árggas spiehkastatdiliin. Juohkehaččas lea ovddasvástáđus váldit vuhtii eandalii eallilan olbmuid ja daid, geaid vuostálastinnákca lea hedjonan. Vuostálastinnákca hedjona ovdamearkan vuodđobuohcuvuodá dihtii.

Jus leat badjel 70-jahkásačča oapmahaš dahje lagaš olmmoš

- Garvve dárbbasmeahtun galleđeami badjel 70-jahkásačča ja eará riskajovkui gullevaččaid luhtte.
- Doala oktavuodá ovdamearkan telefavnain ja neahtas.
- Jus galleđeapmi lea vealtameahtun, ále addal gieđa, ále salo ja ále leat lagaš kontávttas. Suddje vuoignanoalát geardegeavahan liinnin, jus vuoignansuodji ii leat oažžumis.
- Jus leat oapmahašdivššár dahje persovnnalaš veahkki, váldde vuhtii vejolaš njoammunvára eará kontávttaid bokte. Lagaš kontávttain eará olbmuiguin lea siva garvit vejolašvuodaid mielde.